

▶▶▶ Predsjedavajući Vijeća ministara BiH dr. Nikola Špirić primio je šefa Delegacije Evropske komisije u BiH, ambasadora Dimitrisa Kurkulusa. Ambasador Kurkulus uručio je predsjedavajućem Špiriću Izvještaj Evropske komisije o napretku BiH.



▶▶▶ Prema analizi javnih nabavki vozila za 2008. godinu u BiH, najveći naručilac vozila do 3,5 tone bila je Elektroprivreda BiH Sarajevo, a najviše lotova za nabavku vozila objavljeno je u Federaciji BiH.



Zaključci su to iz analize dokumenata objavljenih u Službenom glasniku BiH, koju je napravila agencija Briefing, specijalizirana za praćenje i analizu medija, saopćila je ova agencija.

▶▶▶ Delegacije BiH i Republike Hrvatske postigle su sporazum o izvozu žive ribe iz BiH na hrvatsko tržište, saopćio je Ured za veterinarstvo BiH. U skladu sa sporazumom, prve izvozne pošiljke bh. proizvođača žive ribe krenule su prema hrvatskom tržištu već u drugoj polovini mjeseca oktobra.



▶▶▶ Interex slavi svoj deseti rođendan i u međuvremenu je stekao armiju vjernih kupaca, jer su svi željeli svoje najjeftinije mjesto u gradu. Prodajnu mrežu čini 25 objekata u 21 bh. gradu, a u skoroj budućnosti planirano je i dalje širenje. Rođendan Interex slavi sa kupcima, a do 27. novembra 2009. godine trajat će velika nagradna igra sa bogatim nagradnim fondom.

▶▶▶ Vijeće ministara BiH prihvatilo je Inicijativu za vođenje pregovora radi zaključivanja Ugovora o zajmu između BiH i Evropske banke za obnovu i razvoj za Projekat gasifikacije Srednjobosanskog kantona. Ugovorom je predviđeno finansiranje izgradnje oko 40 kilometara visokotlačnog transportnog gasovoda kojim će se omogućiti snabdjevanje prirodnim gasom općina Travnik, Vitez, Busovača i Novi Travnik. Za realizaciju ovog projekta Evropska banka za obnovu i razvoj izdvojit će 19 miliona eura, sa rokom otplate od 15 godina, uključujući grace-period od tri godine.

